

পূর্বোত্তর

১৯৯৬ সন থেকে প্রকাশিত

বিজ্ঞপ্তি

আপনাদের গল্প, কবিতা, মৌলিক রচনা আমাদের
contact@purbottar.in -এ ই-মেইল অথবা,
7547930235 নাম্বারে হোয়াটস অ্যাপ করুন।
বিজ্ঞাপনের জন্য যোগাযোগ করুন- 9775273453

বর্ষ: ২৭, ২৫ সংখ্যা: কোচবিহার, শুক্রবার, ২২ ডিসেম্বর - ৪ জানুয়ারি, ২০২৩, পৃষ্ঠা সংখ্যা: ৮

Vol: 27, Issue: 25, Cooch Behar, Friday, 22 December - 4 January, 2024, Pages: 8, Rs. 3

পুন্ডিবাড়িতে বিজেপি-তৃণমূল বচসা

নিজস্ব প্রতিবেদন, কোচবিহার: বিজেপির ‘রথযাত্রা’-কে কেন্দ্র করে উত্তাল হয়ে উঠল কোচবিহারের পুন্ডিবাড়ি। বৃধবার ১৩ ডিসেম্বর সকাল সাড়ে ১১টায় পুন্ডিবাড়ি থেকে বিজেপির ‘রথযাত্রা’ শুরু হওয়ার কথা ছিল। তার আগেই ওই এলাকায় নিজেদের পার্টি অফিসে জমায়েত করে অবস্থান শুরু করে তৃণমূল। পুলিশও বিজেপিকে রথযাত্রার অনুমতি দেয়। এই অবস্থায় প্রতিবাদ মিছিল বের করে বিজেপি। ওই মিছিল তৃণমূল পার্টি অফিসের কাছে পৌঁছালে লাঠি নিয়ে দুই পক্ষ একে অপরের দিকে তেড়ে যায়। পুলিশ পরিস্থিতি নিয়ন্ত্রণে আনে। পরে বিজেপি সমর্থকেরা ৩১ নম্বর জাতীয় সড়ক অবরোধ করে বিক্ষোভ দেখায়। পুন্ডিবাড়ি থানাতে গিয়েও বিক্ষোভ দেখানো হয়। বিজেপির কোচবিহার জেলা সভাপতি সুকুমার রায় বলেন, “রাসমেলার সময় বাহিনী নেই জানিয়ে পুলিশ রথযাত্রার অনুমতি দেয়নি। আর তৃণমূল জমায়েত করে অশান্তি তৈরির চেষ্টা করে। আসলে ভয় পেয়েই এমন করছে রাজ্যের শাসক দল। কেন্দ্রীয় প্রকল্পের কথা প্রচার হলে মানুষ সত্যি জেনে ফেলবে



সেখানেই ভয়।” তৃণমূলের রাজ্য সহ সভাপতি তথা প্রাক্তন মন্ত্রী রবীন্দ্রনাথ ঘোষ বলেন, “কোচবিহারে একমাত্র মদনমোহন দেবের রথযাত্রা হয়। আর কেউ রথে উঠতে পারবে না। তাহলে মদনমোহন দেবের অসম্মান হবে, এটা আমরা কিছুতেই হতে দেব না।”

কেন্দ্রীয় প্রকল্পের প্রচারে দেশের বিভিন্ন জায়গায় রথযাত্রার পরিকল্পনা নিয়েছে। সে মতোই দেশের বিভিন্ন প্রান্তে ‘রথ’ পাঠায় দল। গত সোমবার কোচবিহারে বিজেপির রথ পৌঁছায়। দলের কোচবিহার জেলা পার্টি অফিসের সামনে থেকে তা চালু করার কথা ছিল। কিন্তু ওইদিন বিজেপি পার্টি অফিসের সামনে বিক্ষোভে সামিল

হয় তৃণমূল। অনুমতি নেই বলে পুলিশও রথটিকে নিউ কোচবিহারে আটকে দেয়। তৃণমূল সমর্থকেরা নিউ কোচবিহারে রথে থাকা প্রধানমন্ত্রীর ছবিতে কালি ছিটিয়ে দেয় বলে অভিযোগ ওঠে। পরে সেটিকে পুন্ডিবাড়ি থানায় নিয়ে যাওয়া হয়। বিজেপির পক্ষ থেকে ১৩ ও ১৪ ডিসেম্বর কোচবিহার উত্তর বিধানসভায় রথ চালানোর জন্য পুলিশের কাছে অনুমতি চাওয়া হয়। সে মতোই এদিন ফের রথ চালানোর পরিকল্পনা করা হয়। এদিন সকালে দুইপক্ষই পুন্ডিবাড়িতে জমায়েত শুরু করে। বিজেপি মিছিল নিয়ে তৃণমূল অফিসের কাছাকাছি পৌঁছালে হাতাহাতি শুরু হয়। পুলিশ থাকায় অবশ্য যা বেশিদূর গড়ায়নি।

দলের নেতা-কর্মীদের সতর্ক করলেন উদয়ন

নিজস্ব প্রতিবেদন, কোচবিহার: ঐক্যবদ্ধ ছবি তুলে ধরার সভা থেকে দলেরই একাংশ নেতা-কর্মীকে কার্যত হুঁশিয়ারি দিলেন উত্তরবঙ্গ উন্নয়নমন্ত্রী তথা তৃণমূলের রাজ্য সহ-সভাপতি উদয়ন গুহ। রবিবার দিনহাটার সংহতি ময়দানে সভা করে তৃণমূল। সেই সভায় উদয়ন ছাড়াও তৃণমূলের প্রাক্তন মন্ত্রী রবীন্দ্রনাথ ঘোষ, জেলা তৃণমূলের সভাপতি অভিজিৎ দে ভৌমিক, দলের মুখপাত্র পাথপ্রতিম রায়, চেয়ারম্যান গিরীন্দ্রনাথ বর্মণ, দুই বিধায়ক জগদীশ বসুনিয়া, পরেশ অধিকারী, প্রবীণ নেতা আব্দুল জলিল আহমেদ, হিতেন বর্মণ, বিনয়কৃষ্ণ বর্মণ উপস্থিত ছিলেন। দলীয় সূত্রে জানা গিয়েছে, মুখ্যমন্ত্রী মমতা বন্দ্যোপাধ্যায়ের নির্দেশের পরে এমন একটি ছবি তুলে ধরা শাসক দলের কোচবিহার জেলা নেতাদের টার্গেট ছিল। ওই সভা থেকে উদয়ন বলেন, “আগামী লোকসভা নির্বাচনে কোচবিহারকে ডাকাত মুক্ত করা। গত লোকসভা নির্বাচনে আমরা হেরেছি। সে সময় তৃণমূলের কিছু কিছু নেতা বিজেপি প্রার্থীর কাছ থেকে টাকা নিয়েছিল। তারা যারা এবারও ভাবছেন বিজেপি প্রার্থীর কাছ থেকে টাকা নিয়ে ভোট করব তাদের ফল খারাপ হবে।” দলের ঐক্যবদ্ধ ছবি নিয়ে তাঁর বক্তব্য, “ছবি দিয়ে কোন প্রমাণ করতে হবে না আমরা ঐক্যবদ্ধ। যদি আপনারা দেখেন দিনহাটা সংহতি ময়দানে কি কোচবিহারের রাসমেলার মাঠে উদয়ন গুহ, অভিজিৎ দে ভৌমিক কিংবা রবীন্দ্রনাথ ঘোষ মারামারি করছে। আপনারা একবার তাকিয়ে দেখবেন আর বলবেন তোরা মারামারি কর আমরা তোদের সাথে নেই। আমরা তৃণমূলের সাথে আছি। আমাদের ঐক্যবদ্ধ হতেই হবে।”

উদয়ন আরও বলেন, “মমতা বন্দ্যোপাধ্যায়ের কাছ থেকে টাকা নিয়ে এসে উন্নয়ন করব, রাস্তা পাকা করে দেব, ড্রেন করব, কালভার্ট করব, বাতি জ্বালিয়ে দিব আর ভোটের বাস্তব ঠনঠনে হবে। সেটা যাতে না



হয় তার জন্য আমি নিজে পদত্যাগ করে আপনাদের পায়ে কুড়ালের বাড়ি দেব। হয় ভোট তার সাথে উন্নয়ন। কিছু নিতে হলে এবার কিছু দিতে হবে। শুধু নিয়ে যাব মমতা বন্দ্যোপাধ্যায়ের কাছ থেকে আর দেবার সময় কিছু দেব না এটা হতে পারে না।” মন্ত্রী বিজেপি নেতাকর্মীদের হুঁশিয়ারি সূত্রে বলেন, “ওরা যদি পাঁচটা লাঠি নিয়ে আসে তাহলে আমাদের ১৫ টা লাঠি নিয়ে মোকাবেলা করতে হবে। একেবারে ইঞ্চিতে ইঞ্চিতে লড়াই হবে।” সিপিএমের ইনসার্ফ যাত্রা নিয়েও কটাক্ষ করেন উদয়ন। তিনি বলেন, “যারা ৩৪ বছর গরিব মানুষকে কোন রকম ইনসার্ফ দেয়নি, তারা আজকে নাটক করছে ইনসার্ফ যাত্রার কথা বলে। আসলে ওরা মানুষকে এটাই বোঝাতে চাইছে তৃণমূল হটাৎ দরকার হলে বিজেপিকে নিয়ে আসে।” এদিনের সভায় রবীন্দ্রনাথ বলেন, “বিজেপিকে একটিও ভোট নয়। কোচবিহারে বিজেপির কোনও রথ চলবে না। এই জেলায় রথে চড়ার অধিকার একমাত্র মদনমোহন ঠাকুরের আছে।” পাথপ্রতিম বলেন, “নারায়ণী রেজিমেন্টের কথা বলে গতবার ভোট নিয়েছে বিজেপি। কিন্তু সেই রেজিমেন্ট আর করা হয়নি। এবারে তার জবাব দিতে হবে।” বিজেপির কোচবিহার জেলার সাধারণ সম্পাদক বিরাজ বসু বলেন, “মানুষ সরে গিয়েছে বুঝে মাথা খারাপ হয়ে গিয়েছে তৃণমূলের। তাই আবেলতাবোল বকছে।”

টুকরো খবর

সাহেবগঞ্জে উদয়নের খুলি বৈঠক



দিনহাটা: সাহেবগঞ্জ গ্রাম পঞ্চায়েতের অন্তর্গত আনন্দ বাজারে তৃণমূল কর্মীদেরকে নিয়ে খুলি বৈঠক করলেন মন্ত্রী উদয়ন গুহ। মূলত আগামী ১৭ই ডিসেম্বর দিনহাটা সংহতি ময়দানে তৃণমূলের জেলা কর্মীসভা রয়েছে। সেই কর্মীসভাকে সফল করতেই এই খুলি বৈঠক বলে জানান মন্ত্রী। মন্ত্রী ছাড়াও উপস্থিত ছিলেন সাহেবগঞ্জ গ্রাম পঞ্চায়েতের অঞ্চল তৃণমূল সভাপতি ধরনী কান্ত বর্মণ, গ্রাম পঞ্চায়েতের প্রধান অভিজিৎ বর্মণ ছাড়াও অন্যান্যরা।

প্রধানমন্ত্রীর ছবিতে কালি, পথ অবরোধ বিজেপির



কোচবিহার: প্রধানমন্ত্রী নরেন্দ্র মোদীর ছবিতে কালি ছোটানোর প্রতিবাদে কোচবিহার মরাপোড়া চৌপাথে পথ অবরোধ বিজেপির। কোচবিহার জেলা বিজেপি কার্যালয়ে থেকে একটি মিছিল বের হয় মরাপোড়া চৌপাথে পথ অবরোধ ও অবস্থান বিক্ষোভ করে দলীয় নেতা কর্মীরা।

বিজেপি ছেড়ে তৃণমূলে যোগদান

দিনহাটা: বিজেপি ছেড়ে তৃণমূলে যোগদান বিজেপি নেতার। শুক্রবার দুপুরে দিনহাটা শহরে উত্তরবঙ্গ উন্নয়নমন্ত্রী উদয়ন গুহের বাসভবনে একটি যোগদান কর্মসূচি অনুষ্ঠিত হয়। এই যোগদান কর্মসূচিতে বিজেপি ছেড়ে তৃণমূলে যোগদান করেন বড়শাকদল অঞ্চলের দাপুটে বিজেপি নেতা মনোজিত বর্মণ। বিজেপি ছেড়ে তৃণমূলে যোগদান করা বিজেপি নেতার হাতে তৃণমূলের দলীয় পতাকা তুলে দেন দিনহাটা-২ নম্বর ব্লক তৃণমূল কংগ্রেস সভাপতি দীপক ভট্টাচার্য। ব্লক তৃণমূল কংগ্রেস সভাপতি ছাড়াও সেখানে উপস্থিত ছিলেন মন্ত্রী উদয়ন গুহ সহ বড়শাকদল অঞ্চল তৃণমূল কংগ্রেস নেতৃত্ব।

কোচবিহার থেকে ৪০ আসনের বিমান চলাচলের আশ্বাস



নিজস্ব প্রতিবেদন, কোচবিহার: এবারে কোচবিহার থেকে ৪০ আসনের বিমান চলাচলের আশ্বাস দিলেন রাজ্যের মুখ্যসচিব হরেকৃষ্ণ দ্বিবেদী। ১০ ডিসেম্বর রবিবার আলিপুরদুয়ারে সভা করেন মুখ্যমন্ত্রী। ওই দিন সভার পরে মুখ্যমন্ত্রীর নির্দেশেই কোচবিহারে পৌঁছান মুখ্যসচিব হরেকৃষ্ণ দ্বিবেদী। ল্যান্ডডাউন হলে প্রশাসনের আধিকারিকদের সঙ্গে বৈঠক করেন তিনি। বৈঠকের পরে মুখ্যসচিব বলেন, “মুখ্যমন্ত্রীর নির্দেশেই আমি কোচবিহারে এসেছি। কোচবিহার থেকে ৪০ আসনের বিমান চলাচল, মেখলিগঞ্জে শিল্পকেন্দ্র, চ্যাংরাবান্দা স্থলবন্দর তৈরির মতো বিষয় নিয়ে আলোচনা হয়েছে। সভায় দফতরের প্রশাসনিক কর্তারা উপস্থিত ছিলেন। চ্যাংরাবান্দায় ৩০ একর জমিতে স্থলবন্দর গড়ে তোলা হবে। সে জন্য ল্যান্ডপোর্ট অথরিটি অব ইন্ডিয়াকে প্রয়োজনীয় অনুমোদন দেওয়া হয়েছে। বাংলাদেশের সঙ্গে

আমদানি-রপ্তানি বেড়েছে। সে জন্য সেখানে একটি আত্যাধুনিক ট্রাক টার্মিনাস গড়ে তোলা হবে। সেই সঙ্গে তিনি কোচবিহারের বিমানবন্দর নিয়ে আশ্বাস দেন। কোচবিহার বিমানবন্দরের থেকে একটি সিঙ্গেল ইঞ্জিন বিমান চালানো শুরু হয়েছে। মুখ্যসচিব জানান, কোচবিহার বিমানবন্দরের রানওয়ে বাড়ানোর পরিকল্পনা আছে। সে জন্য এয়ারপোর্ট অথরিটি অব ইন্ডিয়ায় সঙ্গে যৌথ পরিদর্শন করেছে রাজ্য সরকার। ২৬ ও ৪০ আসনের বিমান নামানোর পরিকল্পনা রয়েছে রাজ্য সরকারের।

মেখলিগঞ্জে ৪০০ একর জমি রয়েছে। সেখানে শিল্পকেন্দ্র গড়ে তোলার লক্ষ্য নিয়ে কাজ শুরু হয়েছে। মুখ্যসচিব বলেন, “ক্ষুদ্র ও মাঝারি শিল্পের পাশাপাশি যদি আরও কোনও শিল্প আসতে চায় তাহলে স্বাগত জানানো হবে। কোচবিহারে আমরা শিল্পের মাধ্যমে কর্মসংস্থান তৈরি করতে পারব বলে আশাবাদী।”

ঠাকুর মদনমোহনকে সোনার বাঁশি বংশী বদনের



নিজস্ব সংবাদদাতা, কোচবিহার: পূজে দিনে তিনি। পূজে শেষে চলেছে কোচবিহারের সাংবাদিকদের মুখোমুখি তিনি মদনমোহনের রাসযাত্রা উপলক্ষে রাসমেলা। কোচবিহারের প্রাণের উত্তরবঙ্গের অন্যতম বড় উৎসব এই রাস উৎসব। এই রাস উৎসবকে কেন্দ্র করে লক্ষ লক্ষ মানুষের আগমন ঘটে মদনমোহন বাড়িতে আর তাদের মঙ্গল উপহার পেলেন সোনার বাঁশি। এই উপহার দিলেন রাজবংশী ভাষা একাডেমির চেয়ারম্যান বংশীবদন বর্মণ। সেইসঙ্গে কোচবিহারবাসীর মঙ্গল কামনায় মদনমোহনের কাছে প্রাণ ভরে

পূজে দিনে তিনি। পূজে শেষে সাংবাদিকদের মুখোমুখি তিনি মদনমোহনের রাসযাত্রা উপলক্ষে রাসমেলা। কোচবিহারের প্রাণের উত্তরবঙ্গের অন্যতম বড় উৎসব এই রাস উৎসব। এই রাস উৎসবকে কেন্দ্র করে লক্ষ লক্ষ মানুষের আগমন ঘটে মদনমোহন বাড়িতে আর তাদের মঙ্গল উপহার পেলেন সোনার বাঁশি। এই উপহার দিলেন রাজবংশী ভাষা একাডেমির চেয়ারম্যান বংশীবদন বর্মণ। সেইসঙ্গে কোচবিহারবাসীর মঙ্গল কামনায় মদনমোহনের কাছে প্রাণ ভরে

ভুল ওষুধ দেওয়ায় দিনহাটা মহকুমা ওষুধের দোকানের সামনে বিক্ষোভ

নিজস্ব সংবাদদাতা, দিনহাটা: চিকিৎসকের প্রেসক্রিপশন অনুযায়ী ওষুধ না দিয়ে ভুল ওষুধ দেওয়ায় দিনহাটা মহকুমা হাসপাতাল চত্বরে ন্যায্য মূল্যের ওষুধের দোকানের সামনে বিক্ষোভ দেখালো রোগীর আত্মীয় পরিজনরা। বৃহস্পতিবার এই ঘটনা ঘটে, পরে অবশ্য পুলিশের হস্তক্ষেপে বিক্ষোভ উঠে যায়। যদিও দোকানের তরফ থেকে জানানো হয়েছে, ওই ওষুধটি এই দোকান থেকে নেওয়া হয়েছে কিনা তা বুঝতে পারছি না। তবে সিসিটিভি ফুটেজ খতিয়ে দেখে ব্যবস্থা নেওয়া হবে। ঘটনার বিবরণের জানা গিয়েছে, দিনহাটা-২ নম্বর ব্লকের খাটামারী এলাকার জৈনক ব্যক্তির দুই সন্তানকে বামনহাট ব্লক প্রাথমিক হাসপাতালে চিকিৎসার জন্য ভর্তি করা হয়। চিকিৎসক দুটি শিশুর জন্যেই ইনজেকশন প্রেসক্রিপশন করেন। সেই মোতাবেক দিনহাটা মহকুমা



হাসপাতাল চত্বরে ন্যায্যমূল্যের ওষুধের দোকান থেকে দুটি ইনজেকশনের ওষুধ কিনে নেওয়া হয়। সেই ইনজেকশন স্বাস্থ্যকেন্দ্রের চিকিৎসককে দেখানো হলে চিকিৎসক ভুল ইনজেকশনের কথা বলেন। ফলে রোগীর আত্মীয় পরিজনরা ওই ওষুধের দোকানের সামনে এসে বিক্ষোভ দেখাতে শুরু করেন। পরে পুলিশের হস্তক্ষেপে বিক্ষোভ উঠে যায়।

রোগীর অভিভাবক মিন্টু আলী, মঞ্জিরুল হাসান প্রমুখরা বলেন,

দিনহাটা মহকুমা হাসপাতালের ন্যায্য মূল্যের ওষুধের দোকানের তরফ থেকে যে ওষুধ দেওয়া হয় চিকিৎসক জানিয়েছেন সেই ওষুধ প্রয়োগ করলে রোগীর ক্ষতি হয়ে যেত।

এই বিষয়ে দোকানের তরফ থেকে সুবল সাহা বলেন, হয়তো ভুলে ওই ভুল ওষুধ দেওয়া হয়েছিল। যার দ্বারা ওষুধ বিক্রি হয়েছিল তিনি নেই। সিসিটিভি ফুটেজ খতিয়ে দেখে কোনটি সঠিক তা নির্ধারণ করা সম্ভব হবে।

দুয়ারে সরকার শুরু



নিজস্ব সংবাদদাতা, কোচবিহার: কিছুদিন আগেই উত্তরকাশীর এক সুড়ঙ্গ ধসে আটকে গিয়েছিলেন ৪১ জন শ্রমিক। তাঁদের মধ্যে ছিলেন কোচবিহারের বলরামপুর গ্রামের মানিক তালুকদার। প্রথম দু'দিন সেই মানিকের খোঁজই দিতে পারেনি প্রশাসন। এবারে তাই দুয়ারে সরকারে পরিযায়ী শ্রমিকদের নাম নথিভুক্তের উপরে জোর দেওয়া হয়েছে। ১৫ ডিসেম্বর শুক্রবার থেকে অষ্টম পর্যায়ের

দুয়ারে সরকার শুরু হয়েছে। এদিন এক সাংবাদিক বৈঠক করেন কোচবিহারের জেলাশাসক অরবিন্দ কুমার মিনা। তিনি বলেন, “পরিযায়ী শ্রমিকদের নাম নথিভুক্তের উপরেও গুরুত্ব দেওয়া হচ্ছে। নাম নথিভুক্ত হলে সরকারি সুবিধে দেওয়ার ক্ষেত্রে সুবিধে হবে। এ ছাড়া আগে থেকেই প্রশাসনের হাতে ওই সংক্রান্ত তথ্য থাকে। এখন পর্যন্ত ১ লক্ষ ১৫ হাজার নাম নথিভুক্ত

হয়েছে। বাকি নাম দ্রুত নথিভুক্ত হবে বলে আশা করছি।”

এদিন জেলাশাসক জানান, ১৫ থেকে ৩১ ডিসেম্বর পর্যন্ত কোচবিহার জেলার বিভিন্ন প্রান্তে দুয়ারে সরকার শিবির হবে। কোচবিহার জেলায় প্রথমদিন প্রায় দশ হাজার বাসিন্দা বিভিন্ন প্রকল্পে আবেদন করেছেন। নতুন বছরে ৩১ জানুয়ারির মধ্যে আবেদনপত্র দেখে সমস্ত পরিষেবা দেওয়া হবে। কোচবিহার জেলায় এবারে ৪৬৮০ টি শিবির হবে। তার মধ্যে ২৩৯৫ বুথ স্তরের হবে। এর বাইরে প্রত্যন্ত এলাকায় সাধারণ মানুষকে পরিষেবা দেওয়ার জন্য ২২৮৫ টি ভ্রাম্যমাণ শিবির হবে। প্রত্যন্ত কিছু এলাকার জন্য ভ্রাম্যমাণ শিবিরের উপরে জোর দেওয়া হয়েছে। জেলাশাসক বলেন, “আমরা সমস্ত বিষয় খুব গুরুত্ব দিয়ে দেখছি। কারও কোনও অভিযোগ থাকলে তা দেখা হবে।”

পুন্ডিবাড়ি বাজারে দুটি সোনার দোকানে চুরি

নিজস্ব সংবাদদাতা, কোচবিহার: পুন্ডিবাড়ি বাজারে দুটি সোনার দোকানে চুরির ঘটনায় চাঞ্চল্য তৈরি হয় এলাকা জুড়ে। বছরখানেক আগেও এইরকম চুরি হয়েছিল সাধারণ মানুষের বক্তব্য হোলদোল নেই প্রশাসনের অভিযোগ করেন তারা। ব্যবসায়ীদের একাংশের অভিযোগ বারবার প্রশাসনকে জানিয়েও নিশ্চিত করা যাচ্ছে না নিরাপত্তা ব্যবস্থা। এইরকম চুরি দিনের পর দিন হতে থাকলে আমাদের অনেক ক্ষতির মুখে পড়তে হবে। আমরা চাই দ্রুত প্রশাসন তদন্ত শুরু করুক এবং দোষীদের খুঁজে বের করুক ও নিরাপত্তা ব্যবস্থার দ্রুত সমাধান করুক। এই বিষয়ে কোচবিহারের পুলিশ সুপার দুটিমান ভট্টাচার্য জানান, সমস্ত ঘটনার তদন্ত চলছে।

পুন্ডিবাড়ির পর বাবুরহাটেও সোনার দোকানে চুরি



নিজস্ব সংবাদদাতা, কোচবিহার: পুন্ডিবাড়ির জোড়া সোনার দোকানে চুরির পরে এরপর বাবুরহাট। ঠিক একই কায়দায় শাটার ভেঙে সিন্দুক ভেঙে পাশাপাশি তিনটি সোনার দোকানে চুরির ঘটনায় চাঞ্চল্য ছড়ালো, শুক্রবার সকালে। বাজারে রাতে কোন সুরক্ষা কর্মী থাকে না। স্বর্ণ ব্যবসায়ী প্রবীর কুমার দাস বলেন, শুধুমাত্র তার দোকান প্রায় পাঁচ লক্ষ টাকার গহনা চুরি গেছে। আনুমানিক প্রায় ১৫ লক্ষ টাকার উপরে গহনা এবং চার থেকে পাঁচ লক্ষ টাকা নগদ খোয়া গেছে বলে জানায় তারা। ঘটনা তদন্ত নেমেছে পুলিশ। পরপর এই চুরির ঘটনা রীতিমতো চিন্তার কারণ হয়ে উঠছে ব্যবসায়িক মহলে। তবে পুলিশের তরফ থেকে জানানো হয়েছে ঘটনার পূর্ণ তদন্ত চলছে।

বিএসএফের সিভিক অ্যাকশন প্রোগ্রাম



নিজস্ব সংবাদদাতা: শুক্রবার চেনাকাটা বিওপিতে বিএসএফের উদ্যোগে সিভিক অ্যাকশন প্রোগ্রাম অনুষ্ঠিত হয়। ভারতীয় সীমা সুরক্ষা বলের পক্ষ থেকে বিওপি চেনাকাটায় সীমান্তবর্তী গ্রামের সাধারণ মানুষের সাথে ভারতীয় জওয়ানের সম্পর্ক সুদৃঢ় করতে এই অনুষ্ঠানের আয়োজন করা হয়। সিভিক অ্যাকশন প্রোগ্রামে দুইজন

স্থানীয় ডাক্তার এবং দুইজন সেনা ডাক্তারদের সহায়তায় স্থানীয় গ্রামবাসীদের ফ্রি চেক আপ এবং এবং প্রয়োজনীয় ঔষধ বিনামূল্যে দেওয়া হয়। এলাকার কৃষকদের স্প্রে মেশিন, ছাত্র-ছাত্রীদের পড়াশোনার জন্য প্রয়োজনীয় স্টাডি ম্যাটেরিয়াল এবং স্থানীয় বিদ্যালয়ে এবং ক্লাবগুলিতে খেলার সরঞ্জাম দেওয়া হয়।

দেশি গদা লাউ চাষে লাভবান কৃষকরা

নিজস্ব সংবাদদাতা, জলপাইগুড়ি: শীতকালীন দেশি গদা লাউ চাষ করে যথেষ্ট লাভবান চাষিরা। সেরকমই এক দেশি গদা লাউ চাষীর সন্ধান পাওয়া গেল জলপাইগুড়ি সদর ব্লকের সন্ন্যাসীপাড়া এলাকায়। সেখানকার চাষী বিপুল সরকার নিজস্ব অল্পবিস্তর জমিতে গদা লাউ চাষ করেছেন এবং এই লাউ চাষ করে তিনি অনেকটাই অর্থ উপার্জন করতে পারছেন। চাষী বিপুল বাবু জানান, শীতের শুরুতেই এই লাউ চাষ করে তিনি



খুব ভালো ফলন পাচ্ছেন এবং বাজারেও ন্যায্য দাম রয়েছে। যার কারণে তিনি লাউ বিক্রি করে অনেকটাই অর্থ উপার্জন করতে পারছেন। বিপুলবাবু আরো বলেন, লাউ চাষের পাশাপাশি আগামীদিনে তিনি অন্যান্য সবুজ শাকসবজি চাষ করবেন।

পরিচালন সমিতির ভোট নিয়ে চড়ছে পারদ



নিজস্ব সংবাদদাতা, দিনহাটা: আগামী ২৪ শে ডিসেম্বর দিনহাটা-১ নং ব্লকের মুন্সিরহাট সাদেকিয়া হাইমাদ্রাসার পরিচালন সমিতির নির্বাচন রয়েছে। ইতিমধ্যেই শাসক বিরোধী ৯ জন মনোনয়নপত্র জমা দিয়েছেন। রাজ্যের শাসকদল তৃণমূল কংগ্রেসের ৬ জন মনোনয়নপত্র জমা দিয়েছেন। মুন্সিরহাট সাদেকিয়া হাইমাদ্রাসার পরিচালন সমিতির মোট আসন ৬ টি। ১ টি আসন বিধবা মহিলা প্রার্থীর জন্য সংরক্ষিত। ২০১৭ সালে এই শিক্ষা প্রতিষ্ঠানে পরিচালন সমিতির ভোট হয়েছিল। ভোটে রাজ্যের শাসক দলের সঙ্গে বিরোধীদের মধ্যে গুন্ডগোলের জেরে অশান্ত হয়ে উঠেছিল শিক্ষা প্রতিষ্ঠান। এই বছর সেই শিক্ষা প্রতিষ্ঠানের পরিচালন সমিতির ভোটে হতে চলছে আগামী ২৪ শে ডিসেম্বর।

নাম দিয়ে তৃণমূল বিরোধী একটি জোট তৈরি হয়েছে। মনোনয়ন পত্র জমা দেওয়ার প্রথমদিনেই শিক্ষা বাঁচাও কমিটির পক্ষ থেকে ৯ জন মনোনয়নপত্র জমা দেন। শুক্রবার রাজ্যের শাসকদল তৃণমূল কংগ্রেসের পক্ষ থেকে ৬ জন মনোনয়নপত্র জমা দিয়েছেন। মুন্সিরহাট সাদেকিয়া হাইমাদ্রাসার পরিচালন সমিতির মোট আসন ৬ টি। ১ টি আসন বিধবা মহিলা প্রার্থীর জন্য সংরক্ষিত। ২০১৭ সালে এই শিক্ষা প্রতিষ্ঠানে পরিচালন সমিতির ভোট হয়েছিল। ভোটে রাজ্যের শাসক দলের সঙ্গে বিরোধীদের মধ্যে গুন্ডগোলের জেরে অশান্ত হয়ে উঠেছিল শিক্ষা প্রতিষ্ঠান। এই বছর সেই শিক্ষা প্রতিষ্ঠানের পরিচালন সমিতির ভোটে হতে চলছে আগামী ২৪ শে ডিসেম্বর।

সলিড ওয়েস্ট ম্যানেজমেন্ট প্রজেক্টের দেওয়াল ভেঙে দেওয়ার অভিযোগ দুষ্কৃতীদের বিরুদ্ধে

নিজস্ব সংবাদদাতা, কোচবিহার: দিনহাটা-২ নং ব্লকের নাজিরহাটে সলিড ওয়েস্ট ম্যানেজমেন্ট প্রজেক্টের দেওয়াল ভেঙে দেওয়ার অভিযোগ দুষ্কৃতীদের বিরুদ্ধে। এই বিষয়ে সংবাদ মাধ্যমে প্রতিক্রিয়া দিতে গিয়ে প্রজেক্ট এজেন্সির সদস্য জায়দুল ব্যাপারী অভিযোগ করে বলেন, জেলাশাসকের অধীনে নাজিরহাট-১ নং গ্রাম পঞ্চায়েতের সবজি বাজারে সলিড ওয়েস্ট ম্যানেজমেন্টের প্রজেক্টের কাজ হচ্ছিল। গতকাল বৃহস্পতিবার



গভীর রাতে সেই প্রজেক্টের দেওয়াল ভেঙে দেয় দুষ্কৃতীরা। এতে শুধু আমাদের নয়

নাজিরহাট-১ নম্বর গ্রাম পঞ্চায়েতের সকল মানুষের অনেকটা ক্ষতি হল। এছাড়াও

তিনি আরো অভিযোগ করে বলেন সলিড ওয়েস্ট ম্যানেজমেন্ট কাজের অদূরে রয়েছে নাজিরহাট পুলিশ ফাঁড়ি। তা সত্ত্বেও কি করে দুষ্কৃতীরা এরকম কাজ করার সাহস পেলে সেটা বুঝতে পারছি না। আমি চাই দ্রুত দুষ্কৃতীদের চিহ্নিত করে আইনানুগ ব্যবস্থা যেন গ্রহণ করে পুলিশ। মূলত এই সলিড ওয়েস্ট ম্যানেজমেন্টের প্রজেক্টের কাজটি সম্পন্ন হলে সংশ্লিষ্ট বাজার সহ বিস্তীর্ণ এলাকার নোংরা আবর্জনা সেখানে রাখা হতো এতে পরিবেশ পরিষ্কার থাকতো।

নাজিরহাটে বিজেপির মিছিলে হামলার অভিযোগ

নিজস্ব সংবাদদাতা, কোচবিহার:

চলল বোমাবাজি ও কয়েক রাউন্ড গুলি। নাজিরহাটের শালমারা এলাকায় বিজেপির মিছিলে হামলা চালানোর অভিযোগ তৃণমূলের বিরুদ্ধে। বৃহস্পতিবার সন্ধ্যায় শাসকদল তৃণমূলের বিরুদ্ধে শালমারা এলাকায় পথে নামে বিজেপি। এইদিন সেই মিছিল চলাকালীন ওই মিছিলকে লক্ষ্য করে বোমাবাজি এবং কয়েক রাউন্ড গুলিও চালানো হয় বলে অভিযোগ। ঘটনায় সরাসরি তৃণমূল কংগ্রেসের দিকে অভিযোগের আঙ্গুল তুলেছে বিজেপি নেতৃত্ব। বিজেপি নেতৃত্বের অভিযোগ পুলিশ প্রশাসনের উপস্থিতিতেই তৃণমূল কংগ্রেসের দক্ষুতীরা সেখানে বোমাবাজির ঘটনা ঘটিয়েছে। এইদিন বিজেপির ওই মিছিলে উপস্থিত ছিলেন কোচবিহার জেলা বিজেপির সম্পাদক অজয় রায় সহ আরো অনেকেই। তবে তৃণমূলের পক্ষ থেকে বিজেপির অভিযোগকে ভিত্তিহীন বলে দাবি করা হয়েছে।

ট্রেন থেকে উচ্চ প্রজাতির সারময়ের শাবক উদ্ধার



নিজস্ব সংবাদদাতা, কোচবিহার:

বৈধ কাগজ ছাড়াই ১৬ টি উচ্চ প্রজাতির সারময়ের শাবককে উদ্ধার করল আরপিএফের স্পেশাল টিম। আরপিএফের স্পেশাল টিমের আধিকারিক প্রেম সিং মিনা জানান, শাবকগুলোকে বিক্রির উদ্দেশ্যে দিল্লি থেকে গৌহাটি নিয়ে যাওয়া হচ্ছিল।

নতুন বছরের প্রথমেই কোচবিহার সফরে আসার কথা মুখ্যমন্ত্রীর



নিজস্ব সংবাদদাতা, কোচবিহার:

নতুন বছরের প্রথমেই কোচবিহার সফরে আসতে পারেন মুখ্যমন্ত্রী মমতা বন্দ্যোপাধ্যায়। সম্প্রতি উত্তরবঙ্গ সফরে এসেছিলেন মুখ্যমন্ত্রী। তিনি কর্শিয়াং, শিলিগুড়ি, জলপাইগুড়ির বানারহাট এবং আলিপুরদুয়ারে সভা করেন তিনি। কিন্তু এই দফায় কোচবিহারে আসেননি। প্রশাসনিক সূত্রের খবর, রাসমেলা চলতে থাকায় এবারে নিজের সফরসূচিতে কোচবিহার রাখেননি। জানুয়ারির দ্বিতীয় সপ্তাহে তিনি কোচবিহারে আসতে পারেন বলে প্রশাসনিক সূত্রের বার্তা দিয়েছেন।

স্মার্ট মিটারের বিরোধিতায় ফরওয়ার্ড ব্লকের ডেপুটেশন



নিজস্ব সংবাদদাতা, দিনহাটা:

স্মার্ট মিটারের বিরোধিতার পাশাপাশি কৃষকদের সেচের কাজে ভর্তুকি দিয়ে বিদ্যুৎ সরবরাহের দাবি সহ একাধিক দাবিতে দিনহাটা-১ ও ২ ব্লকের বিদ্যুৎ বন্টন দফতরে বিক্ষোভ

ও ডেপুটেশন দিল ফরওয়ার্ড ব্লক। দলের পক্ষ থেকে বৃহবার দিনহাটা ও সাহেবগঞ্জে বিদ্যুৎ বন্টন দফতরে বিক্ষোভ চলাকালীন পৃথক পৃথকভাবে তিন দফা দাবি নিয়ে স্মারকলিপি তুলে দেওয়া হয়। প্রতিনিধি দল

বিদ্যুৎ দপ্তরের আধিকারিকদের সাথে দেখা করে তাদের হাতে দাবিপত্র তুলে দেওয়া হয়। এইদিন দিনহাটার দুইটি ব্লকে ফরওয়ার্ড ব্লকের পক্ষ থেকে উপস্থিত ছিলেন ফরওয়ার্ড ব্লকের জেলা সম্পাদক মন্ডলী সদস্য আব্দুর রউফ, যুবলীগের কোচবিহার জেলা সম্পাদক রৌশন হাবিব, আজগার আলী বেপারী, অজয় রায় প্রমুখ। এদিন বিদ্যুৎ বন্টন দফতরে বিক্ষোভ চলাকালীন সেখানে বক্তব্য রাখতে গিয়ে ফরওয়ার্ড ব্লক নেতৃত্ব রাজ্য ও কেন্দ্রীয় সরকারের বিভিন্ন জন বিরোধী নীতির বিরোধিতা করে সোচ্চার হয়।

মেয়াদবৃদ্ধির দাবিতে আন্দোলন ব্যবসায়ীদের

নিজস্ব সংবাদদাতা, কোচবিহার:

মেলার মেয়াদবৃদ্ধির দাবিতে আন্দোলন ঘিরে উত্তাল হয়ে উঠল কোচবিহার রাসমেলা। ১৫ ডিসেম্বর শুক্রবার দোকানপাট বন্ধ করে দিয়ে মেলা চত্বরেই অবস্থান বিক্ষোভ শুরু করেন ব্যবসায়ীরা। দফায় দফায় বিক্ষোভ চলতে থাকে। মেলায় একটা রাস্তাও অবরোধ করে রাখা হয়। প্রায় পাঁচ ঘণ্টা এমন চলতে থাকে। সেই সময় মেলায় সমস্ত দোকান বন্ধ করে রাখা হয়। যা নিয়ে ক্ষোভ তৈরি হয় মেলায় যাওয়া সাধারণ মানুষদের মধ্যে। পরে কোচবিহার পুরসভার চেয়ারম্যান রবীন্দ্রনাথ ঘোষের অনুরোধে ব্যবসায়ীরা আন্দোলন প্রত্যাহার করে নেন। সন্ধ্যা থেকে ফের স্বাভাবিক হয় রাসমেলা। রবীন্দ্রনাথ বলেন, “ওই বিষয়ে আলোচনা করে সিদ্ধান্ত নেওয়া হবে।”

রাসমেলার আয়োজন করে কোচবিহার পুরসভা। এবারে কুড়ি দিন ধরে মেলা চলবে বলে আগাম



ঘোষণা করে পুরসভা। মেলা শুরু হয় রাস পূর্ণিমার একদিন পরে ২৭ নভেম্বর থেকে। সে হিসেবে ১৬ ডিসেম্বর শনিবার মেলা শেষ হওয়ার কথা। ব্যবসায়ীদের অভিযোগ, মেলা শুরু হওয়ার তিনদিন পরে অনেকে দোকান বসানোর জমি পেয়েছেন। সব গুছিয়ে নিতে আরও কয়েকদিন লেগেছে। শেষের দিকে মেলায় বিক্রি শুরু হয়। সে জন্যই মেলা বাড়ানোর দাবি করেছেন তারা। রাসমেলা অস্থায়ী ব্যবসায়ী সংগঠনের সম্পাদক নারায়ণ সরকার বলেন, “এবারে দোকান বসানোর জন্য অনেক টাকা দিতে

হয়েছে। খরচ বেড়েছে। সে হিসেবে বিক্রি হয়নি। আরও তিনদিন মেলা না বাড়ানো হলে লোকসানের মধ্যে পড়তে হবে সবাইকে।” আরেক ব্যবসায়ী গৌর দে বলেন, “আমরা অনেক আশা করে রাসমেলায় দোকান দিয়েছি। জিনিসপত্র কিনতে কিছু ঋণও হয়েছে। তাই একটু বেশি সময় পেলে ভালো হত।” বাংলাদেশের এক ব্যবসায়ী মফিজুল রহমান বলেন, “আমরা জামাকাপড়, নোনা ইলিশ, খেজুর গুড় নিয়ে এসেছি। এবারে আশানুরূপ বিক্রি হয়নি। চল্লিশ শতাংশ বিক্রি হয়েছে।”

ফলিমারীতে নির্বাচনী প্রচারে উপস্থিত বিধায়ক

নিজস্ব সংবাদদাতা,

দিনহাটা:

ছোট ফলিমারীতে তৃণমূলের নির্বাচনী প্রচারে উপস্থিত বিধায়ক। সোমবার বিকেলে ওকড়াবাড়ি গ্রাম পঞ্চায়েতের ছোট ফলিমারীতে মুন্সীরহাট সাদেকিয়া হাই মাদ্রাসার পরিচালন সমিতি নির্বাচন নিয়ে প্রচার কর্মসূচি করল তৃণমূল কংগ্রেস। উপস্থিত ছিলেন সিতাই বিধায়ক জগদীশ চন্দ্র বর্মা বসুনিয়া, জেলা তৃণমূল কংগ্রেসের সাধারণ সম্পাদক নূর আলম হোসেন থেকে শুরু করে সংশ্লিষ্ট মাদ্রাসা নির্বাচনে তৃণমূল কংগ্রেস প্রার্থীর সহ অঞ্চল তৃণমূল কংগ্রেস নেতৃত্ব। মূলত আগামী ২৪ ডিসেম্বর মুন্সীরহাট সাদেকিয়া হাই মাদ্রাসার পরিচালন



সমিতি নির্বাচন রয়েছে। সেই কারণে মাদ্রাসায় পাঠরত পড়ুয়াদের অভিভাবকদের নিয়ে এদিন এই প্রচার কর্মসূচি। সেখানে বিধায়ক থেকে শুরু করে তৃণমূলের নেতারা সকলেই বক্তব্য রাখতে গিয়ে রাজ্য সরকারের সরকারী

প্রকল্পের কথা তুলে ধরার পাশাপাশি অভিভাবকদের আশ্বাস দেন যে যদি তৃণমূল কংগ্রেস প্রার্থীর পরিচালন সমিতি নির্বাচনে জয়লাভ করে তবে মাদ্রাসার পাঠনে উন্নতি সহ মাদ্রাসার সার্বিক উন্নয়ন করবে।

সংসদে হামলা

কোচবিহারে বিজেপিকে আক্রমণ তৃণমূলের



নিজস্ব সংবাদদাতা, কোচবিহার:

সংসদে স্প্রে ছড়িয়ে দেওয়ার ঘটনায় এবারে বিজেপিকে কোণঠাসা করতে আসরে নেমেছে তৃণমূল। তৃণমূলের একাধিক নেতা দেশের নিরাপত্তা নিয়ে প্রশ্ন তুলে দেয়ার শুরু করেছে। সামনেই লোকসভা নির্বাচন। তার আগে নিরাপত্তা নিয়ে এমন ইস্যু জনমত গঠনে কাজ করবে বলে মনে করছে রাজ্যের শাসকদল। তৃণমূলের প্রাক্তন সাংসদ তথা উত্তরবঙ্গ রাষ্ট্রীয় পরিবহণ নিগমের চেয়ারম্যান পার্থপ্রতিম রায় ফেসবুকে লিখেছেন, “বিজেপি সাংসদের দু’জন অতিথি সংসদের লোকসভা কক্ষে ঢুকে স্প্রে বোমা ফাটালেন। আর কেন্দ্রীয় স্বরাষ্ট্রমন্ত্রী, প্রতিমন্ত্রীরা অসহায়ের মতো তা দেখলেন। এটা ভারতবর্ষের গণতন্ত্রের ইতিহাসে গৌর দে বলেন, “আমরা অনেক আশা করে রাসমেলায় দোকান দিয়েছি। জিনিসপত্র কিনতে কিছু ঋণও হয়েছে। তাই একটু বেশি সময় পেলে ভালো হত।” বাংলাদেশের এক ব্যবসায়ী মফিজুল রহমান বলেন, “আমরা জামাকাপড়, নোনা ইলিশ, খেজুর গুড় নিয়ে এসেছি। এবারে আশানুরূপ বিক্রি হয়নি। চল্লিশ শতাংশ বিক্রি হয়েছে।”

প্রাক্তন সাংসদ হিসেবে এটা আমার শুধু দাবি নয়, এটা দেশবাসীর জিজ্ঞাসা।”

বিজেপি অবশ্য তৃণমূলের বক্তব্যকে গুরুত্ব দিতে নারাজ। কোচবিহারের বিজেপি সাংসদ নিশীথ প্রামাণিক কেন্দ্রীয় স্বরাষ্ট্র প্রতিমন্ত্রী। স্বাভাবিক ভাবেই ওই ঘটনা নিয়ে কোচবিহারে নানা প্রশ্ন উঠছে। কোচবিহার দক্ষিণ কেন্দ্রের বিধায়ক নিখিলরঞ্জন দে বলেন, “নিরাপত্তায় ত্রুটি সবারই চিন্তার বিষয়। এই বিষয়ে দলমত নির্বিশেষে সবাইকে সতর্ক থাকতে হবে। এটা তো খুব স্বাভাবিক ধোঁয়ার বদলে যদি কোনও বিষাক্ত রাসায়নিক বা অন্য কিছু নিয়ে সংসদের ভেতরে কেউ ঢুকত তাহলে মারাত্মক ঘটনা ঘটে যেতে পারত। তাই এই বিষয়ে কোনও আপস হয় না। এটা কোনও রাজনীতির বিষয় নয়।” বৃহবার ১৩ ডিসেম্বর সংসদে এক বিজেপি সাংসদের দুই অতিথি স্প্রে দেয়। তা নিয়ে আতঙ্কের পরিবেশ তৈরি হয়। তার পর থেকেই নতুন করে গোটা দেশ জুড়ে সংসদের পাস দেওয়া সেই সাংসদকে কেন বহিষ্কার করা হবে না। একজন

বাসের ধাক্কায় দুমড়ে-মুচড়ে গেল টোটে



নিজস্ব সংবাদদাতা, মালদা:

গুরুতর আহত হলেন টোটোচালক। সোমবার সকাল সাড়ে ৯টা নাগাদ ঘটনাটি ঘটেছে মালদাহের বামনগোলা থানার পাকুয়াহাট থিনগার এলাকার রাজা সড়কে। জানা গিয়েছে মালদা যাওয়ার পথে বামনগোলা থানার পাকুয়াহাট এলাকার থিনগারে এলাকায় এই দুর্ঘটনা ঘটে। নালাগোলা থেকে মালদা যাওয়ার পথে বাসটি নিয়ন্ত্রণ হারিয়ে গাবাদিপাশ ও টোটোকে ধাক্কা মারে। ঘটনাস্থলে একটি গাবাদিপাশ প্রাণ হারায় এছাড়াও টোটো চালক আহত হয়। তড়িঘড়ি এলাকাবাসী টোটোচালককে উদ্ধার করে মোদি পুকুর গ্রামীণ হাসপাতালে চিকিৎসার জন্য পাঠায়। দুর্ঘটনা খবর পেয়ে ঘটনাস্থলে পৌঁছায় বামনগোলা থানার আইসি সহ পাকুয়াহাট ফাঁড়ির পুলিশ। এই ঘটনায় ক্ষুব্ধ জনতা পথ অবরোধ করে। খবর পেয়ে ঘটনাস্থলে পুলিশ এসে পরিস্থিতি নিয়ন্ত্রণে আনে। এলাকাবাসীর দাবি দৈনিক নালাগোলা মালদা রাজ্য সড়কে বাস দ্রুত গতিতে চলাচল করার জন্যই এই ধরনের ঘটনা। এই এলাকায় স্পিডব্রেকার লাগানোর দাবি জানায় এলাকাবাসী। অবশেষে বামনগোলা থানার আইসি আশ্বাস দিলে পথ অবরোধ তুলে নেন এলাকাবাসী।

সম্পাদকীয়

সুস্থ-সংস্কৃতির খোঁজে

শীত পড়তে শুরু করেছে। চারদিকে গান-বাজনার আসর। কান পাতেলেই শোনা যায়, মৃদঙ্গের আওয়াজ। কাহারও কাহারও মুখে রাবণের সেই অট্টহাসি। তার ফাঁক গলে বেরিয়ে আসে তরুণীরা। অভিযোগ ওঠে, অলীল নৃত্যের। কোথাও কোথাও আবার জুয়ার আসর বসে যায় যাত্রা ঘিরে। কেহ কেহ বলে থাকেন, যুগ যুগ ধরে এসব চলছে, তো চলবেই। প্রশ্ন তো এখানেই, যুগেরও পরিবর্তন হয়। সেখানে এ ছবির কী পরিবর্তন নাই? এই ছবি আমাদের ব্যথিত করে। কারণ, কিছু মানুষ জুয়ার ফাঁদে পড়ে সর্বস্বান্ত হয়। এক নিদারুণ কষ্টের মধ্যে দিয়ে দিনযাপন করতে হয় তাঁর পরিবারের সদস্যদের। অপরদিকে, সেই সব অলীল ছবি সমাজের ক্ষতি করে। তরুণ বয়সের ছেলেমেয়েদের মনে এক খারাপ সংস্কৃতির জন্ম দেয়। যা এগিয়ে যাওয়ার ক্ষেত্রে এক বড় বাঁধ। শীত আসবে, আমরাও উৎসবে সামিল হব। শীত মানেই তো উৎসব। সঙ্গীত সন্ধ্যা থেকে বইমেলা সব কিছুই আয়োজন হয় এই শীতেই। গ্রামাঞ্চলে যাত্রাপালা এক আলাদা আনন্দ দেয়। সে সবার মধ্যে থেকে এক সুস্থ সংস্কৃতি নিয়ে এগিয়ে যেতে চাই আমরা।

কবিতা

বাবাফ্যাপা

.... মৃত্যুঞ্জয় ভাওয়াল

উদাস ঘোষের কীর্তি শুনে হয়তো যাবে রেগে,
বাপের জন্মে বাবা এমন বাপ দেখি নি আগে!
ছোটো ছেলের মাধ্যমিকে কালকে ছিলো ভূগোল,
যাওয়ার পথে কাণ্ড ঘটায় এতো বড়ো পাগল!
বাবা, ছেলে, স্কুল ব্যাগ-বেল বাজা দুই চাকা
এদিকটাতে লোকজন কম রাস্তাটা বেশ ফাঁকা।
পাশ দিয়ে এক বাইক উড়ে যায় ভীষণ রকম তাড়া!
হঠাৎ কুকুর -- বেতাল চাকা: তিন সওয়ারি পড়া!
দুমড়ানো যান, কাতর আওয়াজ রাস্তা রাস্তা হলো
“ও ভান ভাই, তোলো এদের হাসপাতালে চলো।”
দুই বেচারার জখম বেশি একটি ছেলের কম,
উদাস ঘোষের শব্দ চোয়াল আটকাতে সে যম।
লোক তো আরো এসেই ছিল ছেড়ে দেওয়াই যেতো,
কেটে পড়লে ছেলের কী আর পরীক্ষা মিস হতো!!
রক্ত মাথা একটা মাথা রাখলো ছেলের কোলে
বাঁধলো ক্ষত সে বেচারার স্কুল শার্ট খুলে!
হাসপাতালে এদিক ওদিক--একটা গেলো বেজে
নিজের ছেলের ভবিষ্যতের বারো বাজায় নিজে!
এমন দশা করেছে তো লাগাম ছাড়া গতি,
তোমার কিসের দরদ, ওরা শ্যালক নাকি নাতি??
বিপদ ওদের কেটে গ্যাছে সুস্থ হয়ে যাবে,
ছেলের যে তোর বছর গেলো কে ফিরিয়ে দেবে??
বড়োটাকে ও এমনি করে শেষ করেছে বাপ!
কাজ কাম নেই, মাথায় শুধু সমাজ সেবার চাপ!
“ পরীক্ষা নয় পরের বছর দিবে আমার ছেলে
পরান কি আর আইবো ফিরা ফুডুৎ হইয়া গ্যালা? “
ব্যাটা যেন শাহরুখ খান ডায়ালগ দ্যায় ঝেড়ে!
এমন বাপের ছেলে কী আর মানুষ হতে পারে?!

টিম পূর্ণাত্তর

সম্পাদক	: সন্দীপন পন্ডিত
কার্যকারী সম্পাদক	: দেবশীষ চক্রবর্তী
সহ-সম্পাদক	: পার্থ নিয়োগী, কঙ্কনা বালো মজুমদার, বর্ণালী দে
ডিজাইনার	: ভজন সূত্রধর
বিজ্ঞাপন আধিকারিক	: রাকেশ রায়
জনসংযোগ আধিকারিক	: বিমান সরকার

প্রবন্ধ

“নদীর কথা নদীর কাছে বলো” কর্মসূচি

(কোচবিহারের ওপর দিয়ে প্রবাহিত হয়েছে হিমালয় থেকে উৎপন্ন হওয়া বিভিন্ন নদী। কোচবিহারের পরিবেশের ওপর এই নদীগুলির প্রভাব অভাবনীয়। এমনই এক নদী কালজানী। আর এই কালজানীকে নিয়ে কলম ধরলেন পূর্বোক্তরে কোচবিহার তথা উত্তরবঙ্গের পরিবেশ আন্দোলনের অন্যতম চেনা মুখ অরুণ গুহ)

উত্তরবঙ্গের অন্যতম নদী কালজানী নদী। অসমর্থিত সূত্রে জানা যায় প্রাচীন স্থানীয় ভাষায় এই নদীকে কেউ কেউ ‘কালোবৌ’ নামে চিনতো। আসলে কালজানী নদীটি হলো আন্তর্জাতিক নদী তোর্ষা নদীর একটি উপনদী। উৎপত্তিস্থলের (26.50°24'N 89°28'E) ভূটান হিমালয়ের পাদদেশে বয়ে উত্তর থেকে দক্ষিণ ভায়া ভূটান এবং ভারত সঙ্গমস্থল (26.16°25'N 89.35°01'E) সঙ্গে তোর্ষা নদী পুনরায় বাংলাদেশের যমুনা নদীর সঙ্গে মিলিত হওয়া কালজানী নদী।

কালজানী নদী ডুয়ার্সের অন্যতম মূল আকর্ষণ এবং এই নদীর শাখা নদীগুলি হলো ডিমা, পোরো, নোনাই, দুরিয়া, গদাধর, নিমতিঝোরা ইত্যাদি। ১৯৯৩ সনে কালজানী নদীর বাঁধ ভেঙ্গে ভয়াবহ বন্যা হয়েছিল তাতে আলিপুরদুয়ার, হামিল্টনগঞ্জ এবং তুফানগঞ্জের ছাতোয়া গ্রাম ও পার্শ্ববর্তী এলাকায় ব্যাপক ক্ষয়ক্ষতি হয়েছিল। ভূটান দেশের উচ্চমহল পাহাড় থেকে নেমে ফুটশোলিং (পিছনে),



পাশাখা, আলিপুরদুয়ার জেলার সেন্ট্রাল ডুয়ার্স (রাঙামাটি), হামিল্টনগঞ্জ, দক্ষিণ বড়ঝোরা, নিমতি, আলিপুরদুয়ার শহর, কোচবিহার জেলার তুফানগঞ্জ মহকুমার চিলাখানা, বালাভূতে এসেছে। নদীটি প্রায় ১০৮ কিমি লম্বা। সেন্ট্রাল ডুয়ার্সে (রাঙামাটি) এই নদীর নাম বাসরা। পূর্বে

আলিপুরদুয়ারে কালজানী নদীটিতে সাতটি বাঁক ছিল বলে এই নদীকে কেউ কেউ ‘সাতবাঁকি’ নদীও বলে ডাকতো। বালাভূতে আরও ৪ টি নদী এসে একসাথে মিশেছে। নদীগুলি হলো তোর্ষা, রায়ডাক, গদাধর, ঘরঘরিয়া। বালাভূত অঞ্চলটি এজন্য দর্শনীয় স্থান। আমাদের সংগঠন # ন্যাসগ্রুপ

“নদীকে নিয়ে ভাবুন নদীকে নিয়ে বাঁচুন” জনপ্রিয় স্লোগানকে সামনে রেখে নদী আন্দোলনে এগিয়ে যাচ্ছে। সম্প্রতি আমাদের সদস্যরা কালজানী নদীর উপর একটি কর্মসূচিতে অংশগ্রহণ করেছিল। সেই কর্মসূচির খসড়া এখানে দেওয়া হলো। গত কয়েক বছর ধরে বর্ষাকালে কালজানী নদীতে ইলিশ মাছ পাওয়া যাচ্ছে বলে শোনা যায়। কিন্তু মৎস্যদপ্তর গবেষণা করে দেখেছেন মাছগুলি ইলিশ মাছের মত দেখতে হলেও ইলিশ মাছ নয়। এই মাছের নাম হচ্ছে টেলিমাছ। এই মাছ টেনিওয়ালোসা গোত্রে মাছ। অবিকল ইলিশ মাছের মত দেখতে। মৎস্য বিজ্ঞানীদের এখন গবেষণা যে, টেলিমাছ সমুদ্রের মাছ হয়েও কি করে এই নদীতে এলো? এছাড়া কালজানী নদীতে অন্যান্য অনেক রকম সুস্বাদু মাছ পাওয়া যায়। আজ নানাবিধ কারণে কালজানী নদী বিপন্ন। এই নদীকে বাঁচাতে এগিয়ে সবাই আসুন। (উৎসগর্ভ-শ্রী আলোক ব্যানার্জী। খড়গপুর)

কেন ডুয়ার্সে কৃত্রিম নগরায়ন ও আবাসন শিল্পের বিরোধীতা করা উচিত

তাপস বর্মণ

তিস্তা ও সংকোশ নদীর মাঝে বর্তমান জলপাইগুড়ি ও আলিপুরদুয়ার জেলায় হিমালয়ের পাদদেশে পূর্ব ডুয়ার্স: সংকোশ ও ব্রহ্মপুত্রের মাঝে অসমে পশ্চিম ডুয়ার্স। লাটাগুড়ি জলপাইগুড়ি জেলার অংশ; বিজ্ঞাপন বলছে সেখানে বড় বড় আবাসন প্রকল্প গড়ে উঠবে, বড় বড় বহুতল বিল্ডিং এর শহর তৈরি হবে, হাজার হাজার উচ্চবিত্তের বসতি হবে। জলপাইগুড়ি জেলা প্রশাসনের বক্তব্য অনুযায়ী, জলপাইগুড়ি দক্ষিণ-পূর্ব এশিয়ার একটি মৌসুমী অঞ্চল। এই জেলায় খুব গরমে এখানকার গড় সর্বোচ্চ তাপমাত্রা ৩২°C আর শীতে গড়ে ১১°C। জলপাইগুড়ি শহরে বার্ষিক তাপমাত্রা ২৪.৮°C। যারা বিপুল প্রকৃতির সঙ্গে যুক্ত হতে চায় তাদের কাছে এই জলপাইগুড়ি স্বর্গ (haven)। ২০২১ সালে মুম্বাই বিশ্ববিদ্যালয়ে জমা করা একটি পিএইচডি গবেষণাপত্রে পড়লাম, দ্রুত জনসংখ্যা ও নগরায়নের ফলে ডুয়ার্সের বনাঞ্চল ভয়ঙ্করভাবে ধ্বংস হয়েছে। ২০১৪ সালে, আন্ত-রাষ্ট্রীয় জলবায়ু পরিবর্তন প্যানেলের তথ্য অনুযায়ী বিল্ডিং/বহুতল ক্ষেত্র (আবাসন ও বাণিজ্যিক) গ্রীণহাউস গ্যাস উৎপাদনে ১৯% দায়ী ২০১০ সালের হিসেব পর্যন্ত। ইন্টারন্যাশনাল জার্নাল অফ

রিসার্চ ইন ইঞ্জিনিয়ারিং অ্যান্ড এপিলায়েট সাইন্স এর একটি প্রবন্ধে পাওয়া গেল, অনিয়ন্ত্রিত নগরায়নের ফলে ভারতের পরিবেশ ভয়ঙ্করভাবে বিপর্যস্ত হচ্ছে; বিশেষত ভূমি সংকট, জল, বায়ু, শব্দ এবং বর্জ্য সমস্যা সংক্রান্ত। শহর হচ্ছে ‘হিট-ইসল্যান্ড’ অর্থাৎ রাতে যখন পৃথিবীর ভূপৃষ্ঠ শীতল হয় তখন শহরে গরম ছড়ায়; এমনি ভূপৃষ্ঠ ও প্রকৃতি যোভাবে সূর্য থেকে আগত তাপ শোষণ ও নিঃস্বরণ করে, শহরের কংক্রিট, ইট, পাথর সহ যাবতীয় পরিকাঠামো ভিন্নভাবে করে দিনের বেলা তাপগ্রহণ করে রাতে তা থেকে উৎসর্গ ছড়ায়। শহরের বহুতলবাসী সাধারণ বসতির তুলনায় অধিকমাত্রায় কার্বন অক্সাইড, কার্বন মনোক্সাইড, ওজন, সালফার অক্সাইড, নাইট্রোজেন অক্সাইড, লিড (lead) এবং অন্যান্য এই ধরনের গ্যাস উৎপাদন করে পরিবেশে ছড়ায়। এবার বলুন ডুয়ার্স ও ডুয়ার্সের গায়ে বাণিজ্যিক বহুতল নগরী হলে জলপাইগুড়ি সহ ডুয়ার্সের কি হবে? ডুয়ার্স হচ্ছে নবীন ভঙ্গীল পর্বত হিমালয়ের পাদদেশ ও সংলগ্ন অঞ্চল সেই দিক দিয়ে ভূমিকম্পপ্রবণ। কেন্দ্রীয় ভূ-জল পর্যদের ব্যাখ্যা অনুযায়ী বহুতল নগরী ভূগর্ভস্থ সংকটের অন্যতম একটি কারণ। উদাহরণ হিসেবে ১৯৯৯ সাল থেকে কলকাতায় যে কংক্রিটের জঙ্গল তৈরি হয়/হতে শুরু করে তাতে কলকাতার

ভূগর্ভস্থ জল ভয়ঙ্করভাবে নেমে গিয়েছে এবং সংকটে। ভূগর্ভস্থ জলস্তর নেমে যাওয়ার সাথে সাথে ডুয়ার্সের মত হিমালয় সংলগ্ন এলাকার ভূমিকম্প বৃদ্ধির সম্ভাবনা যুক্ত। ইন্টারন্যাশনাল জার্নাল অন ইমার্জিং টেকনোলজিস-এ প্রকাশিত, পরিবেশের উপর নগরায়নের প্রভাব শীর্ষক এক প্রবন্ধে দাবী করা হচ্ছে, শহর/বহুতল এলাকা যেহেতু সাধারণ বসতি এলাকার থেকে অধিক জনঘনত্ব, জনসংখ্যা ও ভোগবাদী জীবনযাপন করে তাই সেখানে প্রাকৃতিক সম্পদের লুপ্ত/শোষণ/উত্তোলন সবচেয়ে বেশী। বিশেষত, ভূগর্ভস্থ জল সংকট এবং দূষণ বেশী সংগঠিত হয়। এমনিতেই বহুতল নির্মাণে ভূগর্ভস্থ জল উত্তোলন। এছাড়াও গবেষকদের মতে, ভূগর্ভের জল স্তর নেমে যাওয়ার বিপদ হচ্ছে, জলে আসেনিক দূষণ বৃদ্ধি এবং বিষাক্ত ধাতুর মিশ্রণ। সাধারণ আমদানির রাজ্যে উত্তরবঙ্গের তুলনায় দক্ষিণবঙ্গের কলকাতা লাগোয়া জেলাগুলিতে শহরাঞ্চল থাকায় এবং অধিক জনঘনত্বের কারণে বিস্তীর্ণ এলাকা আসেনিক দূষণের শিকার। এবার ভাবতে হবে সম্পূর্ণ বাণিজ্যিক কারণে ডুয়ার্স এলাকায় বহুতল নগরী কেন? বাতিল করে।

(লেখক পেশায় অধ্যাপক ও পরিবেশ আন্দোলনের কর্মী)

বেহাল সুটঙ্গা

সঞ্জয় সাহা

“যে নদী হারিয়ে স্রোত চলিতে না পারে সহস্র শেবালদাম বাঁধে আসি তারে”
আক্ষরিক অর্থেই তিনি সতর্ক করেছিলেন। আমরা শুনি, আমরা শুনি। একদিন আমাদের এই প্রিয় সুটঙ্গা ও মানসাইকে কেন্দ্র করেই গড়ে উঠেছিল আমাদের জনপদ, মাথাভাঙ্গা। নদীতে নাব্যতা ছিল। তামাক পাট এসব চলে যেত দূর-দূরান্তে, ঢাকা, নারায়ণগঞ্জে নদীপথে। বাণিজ্যে বসতে লক্ষ্মীর সূত্রে এসেছিল অনেকেই। ভূমিপুত্রদের সাথে মিলেমিশে সংস্কৃতির আদান-প্রদানে সমৃদ্ধ হয়েছিল এই জনপদ। সেই সাংস্কৃতিক সংমিশ্রণ আজও চলেছে, আজও শহরটা একটু একটু করে সমৃদ্ধ হচ্ছে রোজ। প্রযুক্তির হাত ধরে এগোতে এগোতে কোথায় যেন প্রাকৃতিকভাবে শহরটা একটু হলেও বিধ্বস্ত ও বিপর্যস্ত। শহরের মূল কেন্দ্র বাজারের বড় বটগাছটিও নিদারুণ অভিমানে বিদায় নিল এইতো সেদিন। তারও অনেক আগে শতাব্দী প্রাচীন মাথাভাঙ্গা হাইস্কুলের পাশে নাগকেশোরের সারি সারি গাছ ছিল বলে শুনেছি। নদীমাতৃক সভ্যতায় চিরকালই প্রকৃতি এবং সংস্কৃতি হাত ধরাধরি করে এগিয়েছে। সময়ের পরিবর্তনেই হয়তো রাস্তার দুধারের টিন কাঠের বাড়ি বা দোকানগুলোর পরিবর্তে ইট বালি সিমেন্ট ও লোহার কংক্রিট। কিন্তু নদী! আমাদের মাতৃসমা, কন্যাসমা, প্রেমিকাসমা নদী সে কী সামান্য আদর যত্ন কি আশা করতে পারে না আমাদের কাছে! নদী হারিয়ে গেলে কি হয়, তিনি কিন্তু সতর্ক করেছেন আগেই। সাধু, সাবধান।

কোচবিহারে ১০০ জন প্রতিযোগীকে নিয়ে অনুষ্ঠিত হলো দাবা প্রতিযোগিতা

দেবানীষ চক্রবর্তী, কোচবিহার: কোচবিহার জেলা পরিষদের উদ্যোগে ১০০ জন প্রতিযোগীকে নিয়ে স্বচ্ছ ভারত মিশন কাপ দাবা খেলার প্রতিযোগিতা অনুষ্ঠিত হলো। রবিবার সকালে কোচবিহার জেলা নিয়ে দাবা খেলার আয়োজন করা হয়। এদিন এই অনুষ্ঠানে শুভ সূচনা করেন কোচবিহার জেলা পরিষদের সহকারী সভাপতি আব্দুল জলিল আহমেদ, অতিরিক্ত জেলাশাসক সৌমেন দত্ত, কোচবিহারের ডিআইসিও অঙ্গিরা দত্ত সহ অন্যান্য বিশিষ্টজনেরা। সাগরদিঘি সংলগ্ন অতিথি নিবাসের হল ঘরে এই দাবা প্রতিযোগিতা অনুষ্ঠিত হয়। মূলত স্বচ্ছ ভারত অভিযানকে সামনে রেখে যেমন এই খেলার ব্যবস্থা করা হয়েছে তেমনই দাবা খেলার প্রসার ও খেলার প্রতি আগ্রহ বাড়তে তাই অন্যান্য অনেক খেলার মধ্যে



দাবাকে বেছে নেওয়া হয়েছে। এইদিন প্রতিযোগী ছেলেমেয়েরা দাবা প্রতিযোগিতায় দাবা খেলার সুযোগ পেয়ে খুশি প্রকাশ করে এবং দাবার প্রতি তাদের আগ্রহ প্রকাশ করে। অধ্যাপক মদুল ঘোষ জানান, কোচবিহার জেলা পরিষদ এই দাবা প্রতিযোগিতার আয়োজন করেছে তা খুবই প্রশংসনীয়। অন্যান্য খেলার পাশাপাশি দাবা খেলাও সকলের জন্য খুব দরকার।

যেভাবে আজকালকার ছেলে-মেয়েদের মোবাইল আসক্তি বাড়ছে এবং একাগ্রতা কমে যাচ্ছে তা খুব চিন্তার বিষয় হয়ে দাঁড়িয়েছে। তাই দাবার মতো খেলা যত ছেলে-মেয়েরা খেলবে তাদের চিন্তাশক্তি ততই বাড়বে ও পড়াশোনায় মনোনিবেশ করতে সুবিধে হবে। অত্যন্ত এই প্রয়োজনীয় খেলাকে আরো প্রচার ও প্রসারের মধ্যে আনা উচিত।

অল্টো ও ট্রাকের মুখোমুখি সংঘর্ষে গুরুতর আহত ৪

নিজস্ব সংবাদদাতা, কোচবিহার: ফের দুর্ঘটনা শিমুলতলায়। অল্টো ও ট্রাকের মুখোমুখি সংঘর্ষে গুরুতর আহত হলেন ৪ জন। ঘটনাটি ঘটেছে দিনহাটা-কোচবিহার সড়কে শিমুলতলা এলাকায়। ওই ঘটনায় ব্যাপক চাঞ্চল্য সৃষ্টি হয় এলাকায়। ওই ঘটনার খবর পেয়ে ঘটনাস্থলে ছুটে আসে দিনহাটা থানার পুলিশ। পরে আহতদের উদ্ধার করে দিনহাটা মহকুমা হাসপাতালে ভর্তি করা হয়। পুলিশ ও হাসপাতাল সূত্রে জানা গেছে, আহত ওই চার ব্যক্তির নাম সুপ্রিয় রায়, বাড়ি দিনহাটা পৌরসভার ১১ নং ওয়ার্ড। সৌরদ্বীপ চাকি বাড়ি

দিনহাটা কলেজহল্টে, আর্য সাহা চৌধুরী, তার বাড়ি আলিপুরদুয়ারের কামাক্ষাগুড়ি ও সৌরশিস নন্দীর বাড়ি কোচবিহার ঘোষপাড়া এলাকায়। পুলিশের প্রাথমিক অনুমান অতি দ্রুত গতিতে অল্টো গাড়িটি শিমুলতলা এলাকায় এসে ওই ট্রাকটিকে ধাক্কা মারে। আহতদের মধ্যে একজনের অবস্থা গুরুতর হওয়ায় তাকে কোচবিহার এমজেএন মেডিক্যাল কলেজ ও হাসপাতালে পাঠানো হয়। পুরো ঘটনার তদন্ত শুরু করেছে দিনহাটা থানার পুলিশ।

দিনহাটা কলেজহল্টে, আর্য সাহা চৌধুরী, তার বাড়ি আলিপুরদুয়ারের কামাক্ষাগুড়ি ও সৌরশিস নন্দীর বাড়ি কোচবিহার ঘোষপাড়া এলাকায়। পুলিশের প্রাথমিক অনুমান অতি দ্রুত গতিতে অল্টো গাড়িটি শিমুলতলা এলাকায় এসে ওই ট্রাকটিকে ধাক্কা মারে। আহতদের মধ্যে একজনের অবস্থা গুরুতর হওয়ায় তাকে কোচবিহার এমজেএন মেডিক্যাল কলেজ ও হাসপাতালে পাঠানো হয়। পুরো ঘটনার তদন্ত শুরু করেছে দিনহাটা থানার পুলিশ।

দিল্লি ফেরত ফারাক্স এক্সপ্রেস থেকে পাঁচটি কচ্ছপ উদ্ধার

নিজস্ব সংবাদদাতা, মালদা: দিল্লি ফেরত ফারাক্স এক্সপ্রেস থেকে উদ্ধার পাঁচটি কচ্ছপ। পাচার হওয়া কচ্ছপগুলি উদ্ধার করল আরপিএফ। ঘটনায় দুজন মহিলাকে গ্রেপ্তার করেছে আরপিএফ, আরপিএফ সূত্রে জানা গেছে ধৃত দুই মহিলা নাম মিনা দেবী ও লাখ দেবী ধৃত দুজন মহিলা ভাগলপুরের বাসিন্দা। ধৃতরা সম্পর্কে দুই বোন। আরপিএফ সূত্রে জানা গেছে সাহেবগঞ্জ থেকে কচ্ছপগুলি ট্রেনে তোলা হয়েছিল।

কচ্ছপগুলিকে উদ্ধার করে বনদপ্তরের হাতে তুলে দেওয়া হয়। প্রাথমিক অনুমান ধৃত দুই মহিলা কচ্ছপ পাচারচক্রের ক্যারিয়ারের কাজ করছিলেন। আরপিএফ প্রাথমিক জিজ্ঞাসাবাদে জানতে পেরেছে টাকার বিনিময়ে তারা এই কাজ করছিল, তবে তারা কোথা থেকে এই কচ্ছপগুলো পেয়েছিল এবং কোথায় নিয়ে যাচ্ছিল সে সমস্ত বিষয়ে খতিয়ে দেখা হচ্ছে বলেও জানা গেছে আরপিএফ সূত্রে।

কচ্ছপগুলিকে উদ্ধার করে বনদপ্তরের হাতে তুলে দেওয়া হয়। প্রাথমিক অনুমান ধৃত দুই মহিলা কচ্ছপ পাচারচক্রের ক্যারিয়ারের কাজ করছিলেন। আরপিএফ প্রাথমিক জিজ্ঞাসাবাদে জানতে পেরেছে টাকার বিনিময়ে তারা এই কাজ করছিল, তবে তারা কোথা থেকে এই কচ্ছপগুলো পেয়েছিল এবং কোথায় নিয়ে যাচ্ছিল সে সমস্ত বিষয়ে খতিয়ে দেখা হচ্ছে বলেও জানা গেছে আরপিএফ সূত্রে।

গোসানিমারি-কোদালধোয়া পর্যন্ত রাস্তার উদ্বোধন

নিজস্ব সংবাদদাতা, কোচবিহার: এলাকাবাসীর দীর্ঘদিনের দাবীকে মান্যতা দিয়ে সাড়ে সাত কোটি টাকা ব্যয়ে দিনহাটা-১ নং ব্লকের গোসানিমারির মাল্লীরহাট থেকে কোদালধোয়া পর্যন্ত প্রায় সাড়ে ৬ কিলোমিটার রাস্তার কাজের সূচনা করলেন উত্তরবঙ্গ উন্নয়ন দপ্তরের মন্ত্রী উদয়ন গুহ। মন্ত্রী উদয়ন গুহ ছাড়াও এদিন এই উদ্বোধনী অনুষ্ঠানে উপস্থিত ছিলেন সিতাই বিধানসভার বিধায়ক জগদীশ বসুনিয়া, দিনহাটা-১ নং পঞ্চায়েত সমিতির সভাপতি জেলা পরিষদের কর্মাধ্যক্ষ ছাড়াও অন্যান্য জনপ্রতিনিধিরা। এদিন উদ্বোধনী



অনুষ্ঠানে বক্তব্য রাখতে গিয়ে জানান, এই রাস্তা উত্তরবঙ্গ উন্নয়ন দপ্তরের বরাদ্দকৃত এটি কোচবিহার জলপাইগুড়ি এবং আলিপুরদুয়ার জেলার মধ্যে সবথেকে ব্যয়বহুল এবং দীর্ঘ রাস্তা। মন্ত্রী আরো বলেন,

এই রাস্তার কাজ সম্পন্ন হলে গোসানিমারির সংলগ্ন এলাকাগুলি থেকে কোচবিহার শহরে টোকর যোগাযোগ ব্যবস্থা আরো উন্নত হবে এবং এলাকার মানুষজন দ্রুত পরিষেবা পাবে।

সাগরদিঘি চত্বরে কেক কেটে খ্রিস্টমাস উদযাপন



নিজস্ব সংবাদদাতা, কোচবিহার: সাগরদিঘি চত্বরে কেক কেটে খ্রিস্টমাস উদযাপন করলেন প্রাতঃ ভ্রমণকারীরা। সকাল সকাল বহু মানুষের সাগরদিঘি চত্বরে হয়ে ওঠে এক মিলনক্ষেত্র। সকালে হাঁটতে হাঁটতে সম্পর্কের বাঁধন যেন আরো দৃঢ় হয়েছে তাই ছোট করে হলেও খ্রিস্টমাস উদযাপনে কোন খামতি থাকলো না। প্রাতঃভ্রমণকারী মহিলাদের একটি দল এদিন কেক কেটে খ্রিস্টমাস উদযাপন করলেন তারা বলেন আমরা প্রত্যেকটি উৎসব নিজেদের মতো করে পালন করি সকালবেলা এখানে দলবেঁধে হাঁটি নিজেদের কথা বলি, জীবনকে আরো ভালোভাবে বাঁচতে শিখি তাই অনাবিল আনন্দ সকলের মধ্যে ছড়িয়ে দিতে চাই। সকলকে তারা মেরি খ্রিস্টমাসের শুভেচ্ছা জানান।

শুরু হল আন্তজেলা অনুর্ধ্ব ১৫ ক্রিকেট টুর্নামেন্ট

নিজস্ব সংবাদদাতা, কোচবিহার: কোচবিহারে শুরু হল আন্তজেলা অনুর্ধ্ব ১৫ ক্রিকেট টুর্নামেন্ট। সোমবার সকাল সাড়ে নটা নাগাদ কোচবিহার রাজবাড়ি স্টেডিয়ামে এই আন্তজেলা অনুর্ধ্ব ১৫ ক্রিকেট টুর্নামেন্ট। সিএবি পরিচালিত এই ক্রিকেট টুর্নামেন্টের ব্যবস্থাপনা করেছে কোচবিহার জেলা ক্রীড়া সংস্থা। তিনটি দল এই খেলায় অংশগ্রহণ করেছে বলে জানান কোচবিহার জেলা ক্রীড়া সংস্থার সাধারণ সম্পাদক সুরত দত্ত। অনুর্ধ্ব ১৫ ক্রিকেট টুর্নামেন্টটি ৪৫ ওভারের খেলা বলেও জানান তিনি। যে তিনটি দল অংশগ্রহণ করেছে তারা হল বাঁকুড়া, মুর্শিদাবাদ ও শিলিগুড়ি এই তিনটি দল এই টুর্নামেন্টে অংশগ্রহণ করছে। উদ্বোধনী খেলায় মুখোমুখি প্রতিদ্বন্দ্বিতা করে বাঁকুড়া ও মুর্শিদাবাদ।

দিনহাটা মহকুমা হাসপাতালের বহির্বিভাগের সামনে আবর্জনার স্তুপ

নিজস্ব সংবাদদাতা, দিনহাটা: দিনহাটা মহকুমা হাসপাতালের বহির্বিভাগের সামনে জমা হয়ে রয়েছে রাশি রাশি আবর্জনার স্তুপ। জমাকৃত আবর্জনার দুর্গন্ধ অতিষ্ঠ হয়ে পড়ছেন দূরদূরান্ত থেকে ডাক্তার দেখাতে আসা রোগীরা ও তাদের আত্মীয়-স্বজনরা। হাসপাতালে রোগী দেখাতে এসে এমন আবর্জনার স্তুপের সম্মুখীন হয়ে ক্ষোভ বাড়ছে রোগী এবং তাদের পরিজনদের মধ্যে। জমাকৃত আবর্জনা থেকে নতুন করে রোগ জীবাণু ছড়ানোর আশঙ্কায়ও ভুগছেন তারা। এই বিষয়ে বৃহস্পতি দুপুরে দিনহাটা মহকুমা হাসপাতালের সুপার রণজিৎ মন্ডল জানান, হাসপাতাল থেকে যে সমস্ত ডোমেস্টিক আবর্জনা বের হয় সেগুলি পৌরসভার সংগ্রহ করে তাদের যথাস্থানে ডম্পিং করার কথা। কিন্তু পৌরসভা সঠিক সময়ে সেগুলি নিয়ে না যাওয়ায় এখানে আবর্জনাগুলি স্তুপ আকারে পড়ে রয়েছে। যদিও এ বিষয়ে দিনহাটা পৌরসভার



চেয়ারম্যান গৌরীশংকর মহেশ্বরী জানান, পৌরসভার ডম্পিং গার্ডেনের সমস্যার কারণে তারা সেই আবর্জনাগুলি প্রতিদিন সেখান থেকে এই মুহূর্তে সংগ্রহ করতে পারছে না। তার পরিবর্তে তারা সপ্তাহে বা ১০ দিনে একদিন করে সেখান থেকে আবর্জনাগুলি সংগ্রহ করছে আর তার ফলেই জমা হচ্ছে এই আবর্জনা।

লুপ্তপ্রায় শকুন উদ্ধার হল কোচবিহার জেলার সুকটাবাড়ি এলাকায়



নিজস্ব সংবাদদাতা, কোচবিহার: মঙ্গলবার একটি লুপ্তপ্রায় শকুন উদ্ধার হল কোচবিহার জেলার সুকটাবাড়ি এলাকায়। এদিন সুকটাবাড়ি গ্রাম পঞ্চায়েত এলাকার কলাবাড়িঘাট গ্রামে বাচ্চার মাঠে খেলতে গিয়ে একটি অসুস্থ শকুন দেখতে পায়। স্থানীয় সূত্রে

জানা যায়, এদিন দুপুরে নদীর কাছে ওই শকুনটি অসুস্থ অবস্থায় পরে থাকতে দেখেন বেশ কয়েকজন বাচ্চা। তারপর শকুন দেখতে পাওয়ার খবর শুনে এলাকার কাওসার আলম ব্যাপারী নামে এক বাসিন্দা সেখানে গিয়ে শকুনটিকে উদ্ধার করে নিয়ে এসে বন দফতরে খবর দেন। খবর জানাজানি হতেই লুপ্তপ্রায় শকুনকে দেখতে ভিডি জমান গোট্টা এলাকার মানুষ। অধিকাংশ মানুষের কাছ থেকে শোনা যায় স্বচ্ছ এত কাছে থেকে জীবনকে প্রথম তারা শকুন দেখলেন। পরে বন দফতরের কর্মীরা এসে শকুনটিকে নিয়ে যায়। এদিন বন দপ্তরের এডিএফও বিজনকুমার নাথ জানান, শকুনটিকে নিরাপদে উদ্ধার করে আলিপুরদুয়ারের রাজাভাভাওয়া শকুন প্রজননকেন্দ্রে পাঠানো হয়।